



Onákonigewin Ontariong

Ki wídókázo onákonigewin inakág tibenindágozin gaye wídjigendáganag ogimákewin.



Anicinàbemowin (Algonquin)

Onákonigewin Ontariong

Wewenind ijichigen kidji mino áyánikádj ejinágwak Ontariong.

Anín tash tibenindágozi ogimákewin epideg?

- › Iye tibenindágozi ogimákewin mádjise apích mádji Ishpizidj Ogimá Ontariong kijenindang kidji ogimákedj.
- › Iya Gashkiyewizidj Ishpizidj ojibíhige ogimáke mazinahigan, ánin apích mádjise ogimákewin.
- › Ontario mega nenínáwigad inakág 124 ogimáke ódenaw tanakíwinan. Ogimáke pemádizidjig pepejig ódenaw kidji mazináziwadj ogimáke nandobaning.
- › Ogimákedjig tash onákonigeg ondji awiyen nandawenindamodj ondji ogimáke tanakíwin. Iya tash onákonigewidj kigi nábina agindásowin mí iya píndigedj kidji Kichi Ogimá-ogamigon ondji wín ogimáke tanakíwin.
- › Iya onákonige ogimá mámwí kichi nábina pemádizidjig mí iya ayádj oshki tibenindágozi ogimákewin.
- › Igeg tash nagishkodádiwag Kichi Ogimá-ogamigon Ontariong kidji nígánitodj tibenindágozi tanakíwin.

Awenín tash ke onákonigedj tibenindágozi ogimákewin?

Kidji gashkitón kidji onákonige ogimáken, kín mámakádj:



mámindjihinon 18 taso píbónezian apích ogimáke kíjigad;



Kánádáng abín; ashidj



Kidji tanakín Ontariong.

Ki mazináz na kidji onákonigen?

Enhenh - Apích tibenindágozi ogimákewin tagong, kiga oditiná onákonige sídawe eshkweg, wíndamágon apích ashidj ándí kidji onákonigen.

Káwín - Kida gashkito kidji ándjito onákonige kikenindamókiwin:

- › nanda-gikenindjigan **RegisterToVoteON.ca**;
- › kín tibunawe endáng ogimákewin ondemitáwadj; konima gaye
- › kín tibunawe apích ijáyen kidji onákonigen.

Kiga nandawenindán pejik eshkweg násb ojibíhigádeg kidinónzowin ashidj kín endán Ontariong. Kida mikán kikinawábandijiganan ke odápinigádeg indaje **RegisterToVoteON.ca/IDtoregister**.

Anín tash kedaji onákonigen?

Kida onákonige:



inakág mádjízinehigen



kín igodj endán ogimákewin ondemitáwadj



kín tibunawe nígán onákonigewadj



kín tibunawe apích ogimáke kíjig



mámwí wídókáge onákonige ábadjitówin endán

Anín kedaji onákonigen

- › Wábandan nígán onákonige ondemitáwadj, konima gaye kín onákonige abináns apích ogimáke kíjig.
- › Wábandahiwen kideshkwegagonen iyá onákonige nígánidj kidji oditinaman eshkweg.
- › Iján ishkwegáng onákonige shábwánamásachigan ashidj ojibíhigen X, odápinádj eta pejig.
- › Kíwedon ki onákonige eshkweg iyá nígánidj kidji atódj onákonige atágan.
- › Kidandagádj! Kigi minwá onákonige!

Onákonigen wídjigendágan ogimákewin

Wídjigendágan ogimákewin Ontariong ashidinán wídjigendágan mámwíhidig onákonigedjig, ódenaw wídókáge nígánidjig, ashidj kikinámádinán nígánidjig.

Ogimáke Ontariong oganawenindán onákonige eshkweg, ánin kidji píndigen onákonige eshkweg ondji tábishkodj tibenindágozi kaye wídjigendáganag ogimákewin Ontariong.



Wábandan **RegisterToVoteON.ca** kidji kikenindaman, konima gaye atón kego kikenindamókiwin.

Anín ega kishpin nónd 18 píbónezian?

- › Kishpin 16 konima gaye 17 taso píbónezian, Kánádáng abidj ashidj abidj Ontariong, kida ashidiz ondaje **Ontario Register of Future Voters**.
- › Minawadj tash 18 taso píbónezian, kida asigo onákonige mazinahiganing tesh igodj.

Tesh igodj mazinazón onákonige mazinahiganing ondjita.

elections.on.ca

Wábandan **elections.on.ca** ondji kinawe kikenindamókiwin.